



Broj: 01/ 30-1-1657-1/20
Sarajevo, 03.02.2020. godine

Javna ustanova "Služba za zapošljavanje Kantona Sarajevo"
SARAJEVO
DOKE MAZALIĆA Br. 3

Na osnovu člana 20a. Zakona o radu („Službene novine FBiH“, br 26/16 i 89/18), Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuje sa više od 50% ukupnog kapitala („Službene novine Kantona Sarajevo“ br. 9/19, 21/19), člana 11. Pravilnika o radu Zavoda zdravstvenog osiguranja Kantona Sarajevo br. UO/06-3.2-5706-1/19, od dana 25.03.2019. godine, prečišćeni tekst, (u daljem tekstu Pravilnika o radu), člana 12. odjeljak C.1., tačka 13. Pravilnika o unutrašnjoj organizaciji Stručne službe Zavoda zdravstvenog osiguranja Kantona Sarajevo br. 01-01-S.T.-20470/17, od dana 05.06.2017. godine, Saglasnosti Ministarstva zdravstva Kantona Sarajevo br. 10-30-46/20, od dana 13.01.2020. godine, te člana 22. Statuta Zavoda zdravstvenog osiguranja Kantona Sarajevo („Službene novine Kantona Sarajevo“, br. 4/00, 18/02, 30/08, 1/12 i 15/13), Direktor Zavoda zdravstvenog osiguranja Kantona Sarajevo (Ul. Ložionička br. 2, 71000 Sarajevo, internet adresa: www.kzzosa.ba) raspisuje:

JAVNI OGLAS
za prijem u radni odnos dva (2) stručna saradnika za zdravstveno osiguranje,
na određeno vrijeme, do jedne (1) godine

1. Stručni saradnik za zdravstveno osiguranje – dva (2) radnika, prijem na određeno vrijeme, na (1) jednu godinu

Opis poslova Stručnog saradnika za zdravstveno osiguranje:

- obezbjeđuje blagovremeno ostvarivanje prava iz zdravstvenog osiguranja,
- vodi upravni postupak i rješava upravne stvari u prvostepenom upravnom postupku,
- prima podneske stranaka i priprema odgovore u skladu sa Zakonom i opštim aktima Zavoda, učestvuje u izradi normativnih akata u vezi sprovođenja zdravstvenog osiguranja, učestvuje u izradi ugovora vezanih za djelatnost Zavoda,
- redovno upoznaje neposredne supervizore o stanju i problemima u vezi vršenja poslova iz nadležnosti Službe, predlaže preduzimanje potrebnih mjera u cilju otklanjanja problema i unaprijedenja poslovanja,
- priprema rješenja u vezi ostvarivanja prava iz obaveznog zdravstvenog osiguranja,
- vrši izradu podnesaka, prigovora, žalbi, tužbi, odgovara na tužbe i žalbe i druga pismena prema potrebi,
- pokreće regresni postupak za naknadu štete učinjene prema Zavodu,
- prima stranke u vezi ostvarivanja prava iz obaveznog zdravstvenog osiguranja,
- priprema i izrađuje odgovarajuće izvještaje i informacije iz djelokruga svoga rada,
- obavlja poslove zastupanja pred sudovima i drugim organima po potrebi i na osnovu posebnog ovlaštenja,
- odgovara za zakonito obavljanje poslova,
- obavlja i druge poslove u skladu sa stručnom spremom, kao i poslove po nalogu neposrednog rukovodioca i Direktora.

OPŠTI USLOVI: da je državljanin Bosne i Hercegovine, da je zdravstveno sposoban za obavljanje poslova, da se na njega ne odnosi član IX stav (1) Ustava BiH, da nije osuđivan za krivično djelo i da se ne vodi krivični postupak.

POSEBNI USLOVI: VSS-VII stepen stručne spreme, pravni fakultet, odnosno visoko obrazovanje sa najmanje 240 ECTS bodova, poznavanje jednog stranog jezika, poznavanje rada na računaru, dobro poznavanje propisa iz nadležne domene, odgovornost, pouzdanost, intuitivnost, proaktivnost, komunikativnost, sposobnost sagledavanja šire slike, upravljanje prioritetima, sposobnost rada pod pritiskom, sposobnost izvršavanja zadataka u datom roku, sposobnost rada u timu, orijentiranost na postizanje izvanrednih rezultata, analitičnost, visok stepen emocionalne inteligencije.

RADNO ISKUSTVO: Jedna (1) godina

MJESTO RADA: Zavod zdravstvenog osiguranja Kantona Sarajevo, Ul. Ložionička br. 2. Dnevno radno vrijeme za radnike sa punim radnim vremenom počinje u 07:30 minuta, a završava u 16:00 sati.

IZNOS OSNOVNE PLATE: Neto plata sa uračunatim porezom na dohodak iznosi 1.887,16 KM.

ROK ZA PODNOŠENJE PRIJAVA: Jedanaest (11) dana od dana objave. Javni oglas (puni tekst) će biti objavljen u Dnevnom listu „Dnevni Avaz“, putem internet stranice Javne ustanove “Služba za zpošljavanje Kantona Sarajevo”, kao i na internet stranici Zavoda zdravstvenog osiguranja Kantona Sarajevo. Oglas ostaje objavljen na internet stranici u čitavom period roka prijave. **Oglas se raspisuje dana 03.02.2020. godine, isti ostaje otvoren zaključno sa danom 13.02.2020. godine. Potpisane prijave, sa gore navedenim naznakama je potrebno dostaviti najkasnije ovom Zavodu do 13.02.2020. godine.**

TELEFON KONTAKT OSOBE ZADUŽENE ZA DAVANJE DODATNIH OBAVJEŠTENJA:

033/ 725-216, 033/725-306.

ADRESA NA KOJU SE PRIJAVE PODNOSE:

Prijave je potrebno dostaviti na Protokol Zavod zdravstvenog osiguranja Kantona Sarajevo, Ul. Zmaja od Bosne bb, Novo Sarajevo, 71000 Sarajevo.

Potpisane prijave na Javni oglas se podnose Komisiji putem Poslodavca koji je raspisao Javni oglas, u zatvorenoj koverti sa naznakom “NE OTVARAJ – PRIJAVA NA JAVNI OGLAS”.

Kovertu je potrebno adekvatno zalijepiti, te na predviđenom mjestu na koverti za pošiljaoca obavezno navesti lične podatke (ime i prezime, adresa stanovanja, kontakt telefon i e-mail adresa).

Nepotpune, neblagovremene i neuredne prijave, kao i dokumentacija koja nije original ili ovjerena kopija neće se razmatrati. Dostavljena dokumentacija neće se vraćati kandidatima, osim onim kandidatima kojima ista bude prijeko potrebna, isti imaju pravo na lični zahtjev da traže povrat lične dokumentacije.

Samo izabrani kandidati su dužni dostaviti ljekarsko uvjerenje, te uvjerenje o radnoj sposobnosti prije zaključivanja ugovora o radu, kao i uvjerenje da se ne vodi krivični postupak i uvjerenje da kandidat nije osuđivan, izdatih od strane nadležnih institucija.

DOKUMENTACIJA KOJA SE PODNOSI UZ PRIJAVU:

Uz prijavu na javni oglas, sa kratkom biografijom i obavezno naznačenim ličnim podacima (jasno napisano IME I PREZIME, ADRESA STANOVANJA, KONTAKT TELEFON, E-MAIL ADRESA), kandidati trebaju dostaviti original ili ovjerenu kopiju slijedeće obavezne dokumentacije:

1. potpisana prijava na Javni oglas, sa kraćom biografijom,
2. dokaz o ispunjavanju stručne spreme propisane posebnim uslovima Javnog oglasa,
3. dokaz o radnom iskustvu stečenom u stepenu stručne spreme koje se traži za navedeno radno mjesto, kao i u periodu pripravničkog ili volonterskog rada (potvrda ili uvjerenje),
4. uvjerenje o državljanstvu (ne starije od 6. mjeseci),
5. izvod iz matične knjige rođenih,
6. izjavu da se na kandidata ne odnosi član IX stav (1) Ustava BiH
7. dokaz o poznavanju rada na računaru,
8. dokaz o poznavanju jednog stranog jezika.

Kandidati uz obavezno propisanu dokumentaciju mogu dostaviti i drugu relevantnu dokumentaciju kojom dokazuju kvalificiranost/kompetentnost/stručnost za utvrđeno radno mjesto, kao preporuke ranijih poslodavaca, uvjerenje o položenom stručnom ispitu, te druge dokaze o dodatnim nivoima edukacije ukoliko iste posjeduju. Dokumentaciju je potrebno dostaviti u originalnoj formi ili ovjerenoj fotokopiji, uz naznaku da se diploma o završenoj visokoj stručnoj spremi, Pravni fakultet, odnosno visoko obrazovanje sa najmanje 240 ECTS bodova, dostavlja u ovjerenoj fotokopiji.

Probni rad nije predviđen.

Nakon imenovanja Komisije za provođenje Javnog oglasa, Poslovnik o radu iste objavit će se na internet stranici Zavoda zdravstvenog osiguranja Kantona Sarajevo.

Provjera znanja kandidata prijavljenih na javni oglas za popunu upražnjene pozicije izvršit će se iz sljedećih ispitnih oblasti:

1. Zakon o zdravstvenom osiguranju FBiH ("Službene novine FBiH", br. 30/97, 7/02, 70/08, 48/11 i 36/18),
2. Zakon o zdravstvenoj zaštiti FBiH ("Službene novine FBiH", br. 41/10, 75/13),
3. Zakona o upravnom postupku FBiH ("Službene novine FBiH", br. 2/98, 48/99),

4. Statut Zavoda zdravstvenog osiguranja Kantona Sarajevo ("Službene novine Kantona Sarajevo", br. 4/00, 18/02, 30/08, 1/12 i 15/13)

U slučaju da nakon provođenja ispitnog dijela Javnog oglasa, neki od kandidata budu imali jednak broj bodova, prednost pri zapošljavanju kod jednakog broja ostvarenih bodova će imati kandidat koji ima prioritet u zapošljavanju.

Prioritet u zapošljavanju kandidati dokazuju odgovarajućim dokumentom (potvrda, uvjerenje i sl.) koje prilažu prilikom prijave na Javni Oglas, u skladu sa članom 23. Zakona o dopunskim pravima boraca-branitelja („Službene novine Kantona Sarajevo“, broj: 45/12, 26/14 i 46/17).

Napomena: Demobilizirani branioi i članovi porodice demobiliziranog branioca da bi mogli ostvariti pravo na prednost prilikom zapošljavanja pod jednakim u uslovima u skladu sa gore navedenim zakonom, dužni su uz prijavu na radno mjesto, pored ostalih dokaza dostaviti sljedeće:

1. Dokaz o status demobiliziranog branioca ili člana demobiliziranog branioca (potvrda, uvjerenje).
2. Dokaz da se demobilizirani branioi ili član porodice demobiliziranog branioca vodi na evidenciji nezaposlenih lica, ne stariji od 30 dana.

Radno iskustvo dokazuje se potvrdom prethodnog Poslodavca ili uvjerenjem nadležne Porezne uprave, ili Uvjerenjem Federalnog Zavoda za penzijsko i invalidsko osiguranje. Uvjerenja o uplaćenim doprinosima se neće priznavati kao dokaz za traženo radnom iskustvo.

Komisija će pisanim putem obavijestiti kandidate čija dokumentacija nije ispravna, te da isti nisu na spisku kandidata među kojima se provodi daljnji izborni postupak, a obavijesti o polaganju pismenog odnosno usmenog ispita za kandidate čija je dokumentacija uredna biće objavljene na internet stranici Zavoda i Oglasnoj ploči Zavoda zdravstvenog osiguranja Kantona Sarajevo.

O datumu, vremenu i mjestu održavanja pismenog dijela ispita kandidati se biti obaviješteni putem internet stranice Zavoda zdravstvenog osiguranja Kantona Sarajevo, i to najmanje pet (5) dana prije održavanja ispita.

Ukoliko kandidat ne pristupi polaganju pismenog ili usmenog dijela ispita, smatra se da je isti odustao od učešća u oglasnoj proceduri i isti neće biti obaviješten o pismenom ishodu javnog oglasa.

Kandidati koji polože pismeni dio ispita, polažu u usmeni dio ispita.

Nakon održanog pismenog dijela ispita, o datumu i vremenu polaganja usmenog dijela ispita kandidati će biti obaviješteni na internet stranici Zavoda zdravstvenog osiguranja Kantona Sarajevo ili usmeno, odmah nakog polaganja pismenog dijela ispita, ukoliko se prijavi manji broj kandidata.

Sve naknadne obavijesti vezane za Javni Oglas biće blagovremeno objavljene na internet stranici Zavoda zdravstvenog osiguranja Kantona Sarajevo.

DIREKTOR

Sakib Katana, dipl. oec.


Dostaviti:

1. Direktor Zavoda zdravstvenog osiguranja Kantona Sarajevo;
2. Rukovodiocu Sektora opštih, pravnih i kadrovskih poslova;
3. Rukovodiocu Službe pravnih poslova;
4. Interna revizija;
5. Oglasna ploča Zavoda zdravstvenog osiguranja Kantona Sarajevo, Ul. Ložionička br. 2;
6. Dnevni list „Dnevni Avaz“;
7. Javna ustanova „Služba za zapošljavanje Kantona Sarajevo“, Ul. Đoke Mazalića br. 3, Sarajevo;
8. Evidencija;
9. a/a.